

# Jangan ulangi kesilapan lampau

UM - 11/5/2006

JOHOR BAHRU 10 Mei - Generasi muda diingatkan agar tidak mengulangi kesilapan yang pernah dilakukan oleh nenek moyang mereka bagi mengelakkan negara dijajah kembali oleh pihak tertentu secara senyap.

Ketua Penerangan UMNO, Tan Sri Muhammad Muhd Taib berkata, sehubungan itu generasi muda perlu menghayati sejarah tanah air terutama mengenai kesukaran pemimpin terdahulu berjuang dan menuntut kemerdekaan daripada penjajah.

Beliau berkata, kegagalan golongan muda menghayati sejarah akan menyebabkan mereka menjadi bangsa yang mudah leka dan seterusnya tidak tahu menghargai segala nikmat yang diperoleh sekarang.

"Penjajahan hari ini tidak datang dalam bentuk senjata, kereta perisai ataupun bedilan meriam, tetapi hadir secara senyap dan tanpa disedari termasuk melalui pengaruh minda, budaya, ekonomi dan agama," katanya.

Beliau berkata demikian ketika merasmikan pameran 'Buku, VCD dan Pameran Rentetan Perjuangan Bangsa' sempena sambutan Ulang Tahun UMNO Ke-60 di Dewan Jubli Intan, di sini, hari ini.

Menurutnya, bagi memastikan generasi muda menyedari sejarah perjuangan nenek moyang mereka itu maka UMNO telah mengambil inisiatif mengadakan pameran tersebut.

"Ini untuk memastikan mereka tidak terus khayal dan dibuai keseronokan dengan segala kemewahan serta kemudahan hasil perjuangan nenek moyang," katanya.

Sehubungan itu, beliau menggesa rakyat terutama ibu bapa dan pelajar agar tidak melepaskan peluang menyaksikan pameran tersebut untuk mengetahui



PERSIAPAN terakhir di pekarangan Istana Besar, Johor Bahru semalam bagi menyambut Ulang Tahun UMNO Ke-60 hari ini.

lebih mendalam perjuangan pemimpin-pemimpin lama termasuk Datuk Onn Jaafar.

Menurut beliau, setakat ini pameran serupa telah diadakan di Melaka, Negeri Sembilan, Kelantan, Terengganu, Pa-

hang, Selangor dan Kedah dan mendapat sambutan yang menggalakkan daripada masyarakat.